

官常典第二十五卷

宗藩部彙考十七

上古

青陽

黃帝有熊氏封元囂於青陽 按史記五帝本紀黃帝二十五子其得姓者十四人黃帝居軒轅之丘而娶於西陵之女是爲嫫祖嫫祖爲黃帝正妃生二子其後皆有天下其一曰元囂是爲青陽青陽降居江水 按路史黃帝有熊氏元妃西陵氏曰嫫祖生昌意元囂龍苗元囂姬姓降居泝水生帝嚳高辛氏 注 史記元囂降居江水卽泝水今之湍泝水大戴禮青陽降居泝水又誤以元囂爲青陽也

若水

黃帝有熊氏封昌意於若水 按史記五帝本紀黃帝二十五子其得姓者十四人黃帝居軒轅之丘而娶於西陵之女是爲嫫祖嫫祖爲黃帝正妃生二子其後皆有天下其二曰昌意降居若水昌

意娶蜀山氏女曰昌僕生高陽高陽有聖德焉

按路史黃帝有熊氏元妃西陵氏曰嫫祖生昌

意元囂龍苗昌意就德遜居若水有子三人長曰乾荒次安季惛乾荒生帝顓頊是爲高陽氏安處西土後曰安惛遷北土後爲堯項之辟爲拓跋氏

注

姓書辯昌出昌意則昌或始封也然任後自

有昌

顓頊高陽氏姬姓名曰顓頊黃帝氏之曾孫祖曰昌意黃帝之震適也行劣不似遜於若水娶蜀山氏曰景嫫生帝乾荒擢首而謹耳貌喙而渠股是襲若水娶蜀山氏曰樞是爲河女所謂淖子也淖子感搖光於幽防而生顓頊渠頭併幹通肩帶午淵而有謀疏以知遠年十五而佐小昊封於高陽都始孤棘二十爰立乃徙商丘以故柳城衛僕皆爲顓頊之虛

卞

黃帝有熊氏封卞明於卞

按路史黃帝有熊氏元妃西陵氏曰嫫祖生昌意元囂龍苗龍苗生吾

融爲吾氏吾融生卞明封於卞爲卞氏卞明弃其守降之南裔生白犬是爲蠻人之祖

注

郭璞云

卞一作弔蓋古卞字故司馬貞作算明爾史索作苗龍融吾皆非

青

黃帝有熊氏封清於青

按路史黃帝有熊氏次妃方纁氏曰節生休及清休繼黃帝者也是爲帝

鴻氏清次封清爲紀姓是生小昊青陽氏

小昊青陽氏紀姓名質是爲挈其父曰清黃帝之第五

子方僚氏之生也胙土於青是爲青陽元爲紀姓配干類氏曰娥居河之微逆星流槎奏便媚之樂

樂而忘歸震而生質白帝子也旣生其渚爲陵秀外龍庭月縣通願襲青陽以處雲陽故謾號以青

陽亦曰雲陽氏以金寶曆色尙白故又曰金天氏

按此以青爲青陽則元囂所封但當以江水及泝水爲國今是編依正史以青陽屬元囂則清之分

封但謂之青以別於元囂

張

黃帝有熊氏封揮於張

按路史黃帝有熊氏次妃彤魚氏生揮及夷彭揮次十五主造弧矢及司

率咎受封於張

采

黃帝有熊氏封夷彭於采

按路史黃帝有熊氏次妃彤魚氏生揮及夷彭夷彭紀姓其子始封於

采是爲左人

任

黃帝有熊氏封禺陽於任 按路史黃帝有熊氏次妃嫫母兒惡德充帝內之是生蒼林禺陽禺陽封於任爲任姓謝章舒洛昌剡終泉卑禺皆任分也後各以國令氏蒼林姬姓生始均是居北狄爲始氏

南燕

黃帝有熊氏封伯儵於南燕 按路史黃帝有熊氏立后三妃子二十五別姓者十二祈酉滕箴任

荀釐結儻依及二紀也餘循姬姓結姓伯儵封於南燕後有吉氏姑氏孔氏密須闕允蔡光敦偃燕

魯離斷密雖皆結分也後各以國令氏

按苟史記國語皆作荀左傳隱公五年夏四月衛人以燕師伐鄭疏南燕國結姓黃帝之後小國無世家不知其君號謚

而路史以伯儵爲結姓之祖故錄南燕爲黃帝宗藩按路史本註云南燕伯儵本結姓傳多作結讀尹吉之吉

按通鑑前編外紀曰帝元妃西陵氏

之女曰嫫祖生昌意元囂龍苗二妃方纁氏之女曰節生休及清三妃彤魚氏之女生揮及夷彭四妃曰嫫母貌惡德充生蒼林禺陽其衆妾之子十六人總四妃之子爲二十有五其得姓者十有四

人別爲十二姓曰祁己滕箴任荀嬭姑慢依二姬二酉及有虞氏有天下封帝後爲侯伯者十有九焉

夷防風氏

帝鴻氏封白民於夷別爲防風 按路史帝鴻氏釐姓是爲帝休母方纁氏黃帝厭帝休是立生白民及嘻嘻生季格季格生帝魁白民銷姓降居於夷是爲白民之祖

注

汲冢書有白民之國出乘

黃

其別爲防風氏守封禺之間

蔑

少昊金天氏封倍伐於蔑 按路史小昊青陽氏元妃生倍伐降處緡淵旣封蔑爲蔑氏

尹城

少昊金天氏封般於尹城 按路史小昊青陽氏次妃生般爲弓正是制弓矢主祀弧星封於尹城

世掌官職

安

顓頊高陽氏封靈堅於安

按路史帝顓頊高陽氏娶鄒屠氏生禹祖及夢八人蒼舒伯益禱演大

臨麗江靈堅中容叔達是爲八凱靈堅封安

中音仲按顓頊氏之後封國甚多大槩皆在帝舉堯舜之世惟安不言所封故編爲顓頊宗藩

唐

帝嚳高辛氏封堯於唐

按竹書紀年帝嚳高辛氏卽位四十五年錫唐侯命

注

母曰慶都赤龍

感之孕十四月而生堯於丹陵及身長十尺有聖德封於唐

按路史帝堯陶唐氏姬姓高

辛氏之第二子也母陳豐氏曰慶都嘗觀三河之首赤帝顯圖奄然風雨慶都遇而萌之黃雲覆之

震十有四月而生於丹陵曰堯是曰放勳身侔十尺豐下兌上龍顏日角八采三昧鳥庭荷勝琦表

射出握嘉履翌窳息洞通聰明密微其言不貳其德不同仁如天智如神明如日而晦如陰好謀能

深和而不怒憂而畏禍快而愉年有十三佐摯封植受封於陶明人察物昭義崇仁禁詐僞正法度

不廢窮民不赦亡告苦死者而哀婦人底德靡解百姓和欣於是改國於唐年十有七讓以侯伯恢

踐帝曰陶唐氏

按通鑑前編目史記本紀曰帝姓伊耆名放勳帝嚳高辛氏之子帝摯之弟黃

帝軒轅氏之曾孫也帝母陳鋒氏女曰慶都爲高辛氏妃感赤龍之祥孕十有四月而生帝於丹陵育於母家伊侯之國後徙耆故曰伊耆氏年十有三佐帝摯封植受封於陶年十有五復封於唐爲唐侯摯在位九年荒淫暴虐天人厭棄之諸侯尊帝爲天子年十有六踐天子之位於平陽

按史記本紀與

此互異

司幽

帝嚳高辛氏封晏龍子司幽 按路史帝嚳高辛氏次妃有陬氏曰常義生太子康及月十二元實沈閼伯晏龍叔戲巫人續牙猷越也晏龍事虞爲納言是主琴瑟生司幽是爲司幽之國

巫

帝嚳高辛氏封巫人於巫 按路史帝嚳高辛氏次妃有陬氏曰常義生太子康及月十二元實沈閼伯晏龍叔戲巫人續牙猷越也巫人封巫爲巫氏生載民載民盼姓

蜀

帝嚳高辛氏封少子於蜀 按路史高辛氏以其少子封蜀 帝嚳高辛氏次妃有陬氏曰常義生

太子廋及月十二元實沈闕伯晏龍叔戲巫人續牙獸越也巫人封巫爲巫氏生載民載民盼姓其侯於蜀者更生號後分苴

昌黎

帝嚳高辛氏封獸越於昌黎 按路史帝嚳高辛氏次妃有陬氏曰常義生太子廋及月十二元實沈闕伯晏龍叔戲巫人續牙獸越也高辛游海濱過棘城闕顓頊之虛樂之暨其歸居獸越於昌黎邑於紫蒙之野

陶唐氏

郅

帝堯封棄於郅 按詩經大雅厥初生民時維姜嫄生民如何克禋克祀以弗無子履帝武敏歆攸介攸止載震載夙載生載育時維后稷誕彌厥月先生如達不圻不副無畱無害以赫厥靈上帝不寧不康禋祀居然生子誕寘之隘巷牛羊腓字之誕寘之平林會伐平林誕寘之寒冰鳥覆翼之鳥乃去矣后稷呱矣實覃實訏厥聲載路誕實劓克岐克嶷以就口食蓺之荏菹荏菹施施禾役穰

稷麻麥幪幪瓜瓞啐啐誕后稷之穡有相之道萑厥豐草種之黃茂實方實苞實種實裒實發實秀
實堅實好實穎實栗卽有邵家室誕降嘉種維秬維秠維糜維芑恆之秬秠是穫是畝恆之糜芑是
任是負以歸肇祀誕我祀如何或春或揄或簸或蹂釋之叟叟烝之浮浮載謀載惟取蕭祭脂取粢
以載載燔載烈以興嗣歲卽盛于豆于登其香始上帝居歆胡臭亶時后稷肇祀庶無罪悔
以迄于今

傳

邵姜嫄之國也堯見天因邵而生后稷故國后稷於邵命使事天以顯神順天命耳

箋

以此成功堯改封於邵就其成國之家室無變更也

疏

此邵爲后稷之母家其國當自有君所

以得封后稷者或時君絕滅或遷之他所也中候握河紀云堯卽政七十年受河圖其末云斯封
稷契臯陶賜姓號注云或云七十二年斯此封三臣止言封號不道其時功成卽封此言成功蓋
治水畢後地平天成之時也稷之功成實在堯世其封於邵必是堯之封矣故此箋及傳皆以爲
堯

按史記周本紀周后稷名棄其母有邵氏女曰姜原姜原爲帝嚳元妃生棄棄爲兒時其

遊戲好種麻菽麻菽美及爲成人遂好耕農相地之宜宜穀者稼穡焉民皆法則之帝堯聞之舉棄
爲農師天下得其利有功帝舜曰棄黎民阻饑爾后稷播時百穀封棄於邵號曰后稷別姓姬氏

按路史帝嚳高辛氏上妃有駘氏曰姜嫄清淨專一而好稼穡衣帝衣履帝敏居期而生弃弃惟元子披頤象亢弃之每異嫗乃收之爰名曰弃而字之曰度辰性敷而仁戲惟稷黍長研耕稼爲唐天官乃國之釐號后稷

注釐與郃同武功郃城是

帝堯陶唐氏在位七十三載召舜而命以位正月上日授終於天府而遂老焉於是修壇河洛擇良議沈仲月辛日昃明禮備榮光出河休氣四塞越歲仲春率百工沈璧於洛且告禮事禮聖姑射拜師沮洳陞首山道河渚遇五老而濟焉乃賞侯伯封弃 帝舜有虞氏申錫羣后封弃百里之駘賜姓妘氏益命以爲公

按尙書堯七十載四岳薦舜又二載使陟帝位舜遂班瑞羣后是時如稷契者諒已封矣至舜特申錫之耳玩諸書自明稷契於唐堯爲同父故編入宗藩與

他隔朝受封者別

商

帝堯封契於商 按詩經商頌元鳥篇天命元鳥降而生商

箋 配遺卵娥氏之女簡狄吞之而生

契爲堯司徒有功封商堯知其後將興又錫其姓焉

按長發篇濬哲維商長發其祥洪水芒

芒禹敷下土方外大國是疆幅輳既長有娥方將帝立子生商

箋 帝黑帝也禹敷下土之時有娥

氏之國亦始廣大有女簡狄吞黿卵而生契堯封之於商

元王桓撥受小國是達受大國是達率履不越遂視既發

傳

始堯封之商爲小國舜之末年乃益

其土地爲大國皆能達其教令

疏

知堯封爲小國舜益爲大國者中候握河紀說堯云斯封稷契

皋陶賜姓號是堯封之也考河命說舜之事云褒賜羣臣賞爵有功稷契皋陶益土地是舜益地

爲大國也自殷以上大國百里握河紀注云稷契公也公卽周禮三公八命其出封加一等然則

堯之封契已應百里便是土地之極而又益之者以其身有大功特加褒如周之賜魯衛之屬禮

越特賜既賜之後不必止於百里而已

按史記殷本紀殷契母曰簡狄有娥氏之女爲帝嚳

次妃生契契長而佐禹治水有功帝舜乃命契曰百姓不親五品不訓汝爲司徒而敬敷五教五教

在寬封於商賜姓子氏

按路史帝嚳高辛氏次妃有娥氏曰簡狄仁而有禮飲食必鼓感乙致

胎醢而生禹禹契也聰明而仁堯命司徒使布五教而民輯及虞不廢是以受商賜姓子氏商人謂

之元王

注

所封乃華陰鄭縣有樂都城故潘邑也世本謂契居蕃是矣中候握河紀云弃契皆堯

封長發箋云堯小封舜末年益爲大妄也

帝堯陶唐氏在位七十三載召舜而命以位正月上日授終於天府而遂老焉於是修壇河洛擇良議沈仲月辛日朏明禮備榮光出河休氣四塞越歲仲春率百工沈璧於洛且告禋事禮聖姑射拜師沮洳陞首山道河渚遇五老而濟焉乃賞侯伯封侯

注

世本始封稷契皋陶褒進伯禹

帝舜有虞氏申錫羣后封契七十里之商賜姓子氏益命以爲公

宋

帝堯封閼伯於宋按左傳昭公元年子產曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰爲商星

注

后帝謂堯

也

按路史帝嚳高辛氏次妃有暋氏曰常羲生太子康及月十二元實沈閼伯晏龍叔戲

巫人續牙狀越也實沈閼伯居曠林干戈日尋后帝不臧遷閼於宋是爲商帝堯陶唐氏命遏伯長火居商丘祀大辰而火紀時焉是食於心故因其出入而望之以修其官而戒民事

大夏

帝堯封實沈於大夏

按左傳昭公元年子產曰昔高辛氏有二子伯曰閼伯季曰實沈居於曠林

不相能也日尋干戈以相征討后帝不臧遷實沈於大夏主參唐人是因以服事夏商

注后帝謂

堯也

按路史帝嚳高辛氏次妃有閔氏曰常義生太子廙及月二十八元實沈閔伯晏龍叔

戲巫人續牙猷越也實沈閔伯居曠林干戈日尋后帝不臧遷沈於大夏是爲參

中路

帝堯封摯子於中路

按路史高辛崩而帝廙立襲高辛氏帝廙之立不善九載以其仲立是爲堯

有子元元堯封之於中路歷夏侯服

注廙音致摯立九年而唐侯德盛因禪焉

丹

帝堯封子朱於丹

按路史帝堯陶唐氏初娶富宜氏曰皇生朱鰲佞媚克兄弟爲鬪訟娉遊而

朋淫帝悲之爲制弈棋以閑其情使出就丹

留

帝堯封庶子於留

按路史丹朱之兄考監明先死而不得立庶弟九其封於留者爲留氏

有虞氏

有庫

帝舜封弟象於有庫

按史記五帝本紀舜踐帝位封弟象爲諸侯

按路史帝舜踐天子位建

弟象於有畀

注

畀昌邑王賀傳作鼻或作廩

按通鑑前編虞帝舜元載封弟象於有庫按

通志曰舜既踐位封其弟象於有庫象雖爲諸侯不得爲政天子使吏治其民而納其貢賦焉

商

帝舜封子義均於商

按竹書紀年二十九年帝命子義均封於商

按路史帝妃女嬀生義鈞

及季釐義鈞封於商是爲商均是喜歌舞

按堯封契於商而舜申錫之又遷高辛子閼伯於商丘路史云遷閼於宋是爲商舜又封子均於商是唐虞之際共

有二商未審

各居何地

緡

帝舜封子季釐於緡

按路史帝舜妃女嬀生義鈞及季釐季釐封緡

夏后氏

有扈氏

夏后氏分封有有扈氏 按史記夏本紀贊太史公曰禹爲姁姓其後分封用國爲姓故有有扈氏
帝啟二歲伐有扈 按書經甘誓大戰于甘乃召六卿王曰嗟六事之人予誓告汝有扈氏威侮五
行怠棄三正天用勦絕其命今予惟恭行天之罰左不攻于左汝不恭命右不攻于右汝不恭命御
非其馬之正汝不恭命用命賞于祖不用命戮于社予則孥戮汝 疏 有扈國名夏同姓馬云姁姓

之國爲無道者京兆鄠縣卽有扈之國也甘有扈郊地名馬云南郊地也甘水名今在鄠縣西

按竹書紀年帝啟二年王帥師伐有扈大戰於甘

帝啟四歲有扈氏來享滅之 按路史啟繼世有天下戶氏不恭信相失度威侮五行怠棄三正帝
乃遷廟與有戶大戰甘澤乃召六卿而誓整軍實以伐之不勝六卿請攻之帝曰不可吾地非淺民
非寡也兵刀接焉而不勝是吾德薄而教不善也何以伐爲於是般師琴瑟不張鐘弗撞鼓弗攷不
因席不仍味親親長長尊賢委能隱神期月而戶來享遂滅之復昭夏功

五觀

帝啟封子五人於衛爲五觀 按路史帝啟在位十有六歲年九十一子太康立厥弟五人分封於

衛是爲五觀

注楚語觀射父云夏有五觀與朱均管蔡並列知爲姒姓

帝啟十一歲放王季子武觀於西河

按竹書紀年云云

注武觀卽五觀也觀國今頓丘衛縣

帝啟十五歲武觀以西河叛彭伯壽帥師征西河武觀來歸

按竹書紀年云云

帝太康元歲帝遊洛表五觀胥怨

按書經五子之歌太康尸位以逸豫滅厥德黎民咸貳乃盤遊

無度畋于有洛之表十旬弗反有窮后羿因民弗忍距于河厥弟五人御其母以從僂于洛之汭五

子咸怨述大禹之戒以作歌其一曰皇祖有訓民可近不可下民惟邦本本固邦寧予視天下愚夫

愚婦一能勝予一人三失怨豈在明不見是圖予臨兆民懷乎若朽索之馭六馬爲人上者奈何不

敬其二曰訓有之內作色荒外作禽荒甘酒嗜音峻宇雕牆有一于此未或不亡其三曰惟彼陶唐

有此冀方今失厥道亂其紀綱乃底滅亡其四曰明明我祖萬邦之君有典有則貽厥子孫關石和

鈞王府則有荒墜厥緒覆宗絕祀其五曰嗚呼曷歸予懷之悲萬姓仇予予將疇依鬱陶乎予心顏

厚有忸怩弗慎厥德雖悔可追

按五觀爲太康弟則五子爲五觀無疑而竹書紀年所紀似止一且不相類武與五字亦互異注謂武觀卽五觀姑依年編入

按竹書紀年帝太康元年卽位居斟鄩畋於洛表

按路史雅德曰太康失邦五觀胥怨